



Plata dla Ploania Rina



Ploan: siur Paul Campeï
E-mail: fam@craftonara.eu

Calogna: 0474/520012
Handy Siur Paul: 380/7345533

www.unitepastorala.org

Ann A 29.03 - 05.04.2020

n.18

VANGELE DLA 5. DOMENIA DE CARSEMA A Jan 11, 1-45

Marta ti à dit a Gejù:

Signur, sce te fosses stè chilò, ne foss mi fre nia mort.

Mo inçe ségn sai: Döt, do cí che te prëies Idî, él ël che te darà.

Gejù ti à dit: To fre ressoriarà.

Marta ti à dit: I sa ch'al ressoriarà dala resstoreziun l'ultimo dé.

Gejù ti à respognü: Iö sun la resstoreziun y la vita. Chël che crëi te mè viarà, inçe sc'al mör, y vignun che vir y crëi te mè, ne moriarà mai.

Crëieste tö chësc?

Marta ti à respognü: Scê, Signur, i crëii che tö es le Messia, le Fi de Dî, che dess gnì te chësc monn.....



Fora dal vangele:

Marta ti á dit a Gejù: Signur, sce te fosses sté chiló, ne foss mi fre nia mort. - Jan 11,21

Sce nos odun ite che tla creaziun - che nes é ma imprestada - é Chël Bel Dî presënt, spo fajunse bel impara y i l'anuzun cun cosciënza a na manira che ince les generaziuns che vëgn do pois vire. Ci poi pa iö fá?

INFORMAZIUNS PLOANIA

Comunicaziun dla diozeja (scurtada) 22.03.2020

La Carsema arjigna ca ala festa dla mort y resureziun de Geju Crist. Sce la liturgia dl'Edema Santa y Pasca po gni tignida ne é nia ciamò gnü fat al savei dala Conferenza Episcopala. Spo gnaral fat al savei.

La Carsema dess ester inant caraterisada dal aldí y lí la Sacra Scritöra, dala oraziun comunitara y personala, dala meditaziun dles Staziuns, dala co-zelebrazion dla liturgia tres i media (radio, telev....).

Ince dessun se sintí solidai cun chi che patesc o é moribondi, cun chi che s'en tol sura di bisognusc (amarà).

Sanbegn che al é ince temp de converjiun y penitenza.

La confesciun pon fa, sce an tegn ite les regules prescrites:

nia confescional, distanza, mascherina, degun contat dl corp, prou y penitent ne po avei degügn symptoms de maratia.

*(Chesc sarà ma poscibl te zentri de confesciuns. La funziun penitenziala tirarunse ite plü tert, a chera che i inviei bele segn düc, düc canc! **le ploan**)*

*Ivo Muser
vesco*

*Eugen Runggaldier,
vicar general*

PLOANIA

La situaziun ch'í passun al momont se fej mancé tröpes cosses, ince spirituales. Deache nos n'un nia la poscibilité da lascé aldí nostes mësses y funziuns sön le radio dla cöra, orunse proé de pité n ater sorvisc, por recordé families y defunc ince te cösc tomp.

Siur Paul dij **vigne de mëssa**, (tla dljia d'Antermëia, da su y a portes stlüttes) dales 9.00 o da n'ora dejidrada, y al foss a öna da la zelebré **adöm a na familia**, tramite **handy- vivavoce**: èl zelebrëia y la familia respogn (da ciasa).

Magari foss cösta na poscibilité da daidé acompagné spiritualmonter, cun l'oraziun y l'Eucarestia, val' familia de nosc païsc en manciaza de na vita de cöra normala.

Chës families che foss enteressades, pó tó sö diretamonter contat cun Siur Paul (380 7345533) y s'aposté na te mëssa- por la paié vára ince t'en secundo momont.

Menéde präibel ennant l'idea- al podess nes daidé düc- savon che vigne secundo de, dedolönesc – jöbia – sabeda (i atri dis cun Antermëia) vëgnel dit na mëssa por na familia de nosc païc y sambën ince slüjon ite döta nosta comunité.

Le Consëi de Cöra